

## 三根——中觀所許的清淨根

### 一、《大智度論·釋初品》<sup>1</sup> 釋三根

《般若經》：三根，未知欲知根、知根、知己根。

#### 【論釋】：

未知欲知根者，無漏九根和合。信行、法行人，於見諦道中名未知欲知根。所謂信等五根、喜樂捨根、意根。信解見得人，思惟道中是九根轉名知根。無學道中，是九根名知己根。

問曰：何以故於二十二根中但取是三根？

答曰：利解了了自在相，是名為根。餘十九根根相不具足故不取。是三根利能直入至涅槃，諸有為法中主故，得自在能勝諸根……

復次……未知欲知故，生信等五根，是五根力故，能得諸法實相……菩薩生是信等五根，則能知諸法實相。

如眼四大及四大造色和合名為眼；先雖有四大，四大造色未清淨故，不名眼根。不斷善根人雖有信，未清淨故，不名為根。

五根所依意根必與受具，若喜、若樂、若捨。

依是根入菩薩位，乃至未得無生法忍果，是名「未知欲知根」……

---

<sup>1</sup> 《大智度論》初序品中，卷 23， T25, p234b - c

從是得無生法忍果，住阿鞞跋致地得授記，乃至滿十地坐道場得金剛三昧，於其中間名為「知根」。斷一切煩惱習，得阿耨多羅三藐三菩提，一切可知法智慧遍滿故，名為「知己根」。

## 二、《大智度論·釋四念處品》<sup>2</sup> 釋三根

復次，須菩提……所謂三根：未知欲知根、知根、知者根。云何名「未知欲知根」？諸學人未得果，信根、精進根、念根、定根、慧根，是名未知欲知根。云何名「知根」？諸學人得果，信根乃至慧根，是名知根。云何名「知者根」？諸無學人若阿羅漢、若辟支佛、諸佛，信根乃至慧根，是名知者根。

---

<sup>2</sup> 《大智度論》卷 48 四念處品第十九 T25, p0406c。